



Obavještenje o održavanju „Ljetnog kampa za nadarene matematičare 2023“

Udruženje matematičara Kantona Sarajevo (UM KS) u saradnji sa Prirodno-matematičkim fakultetom i institucijama Richmond Park Schools (RPS) organizuje „Ljetni kamp za nadarene matematičare 2023“.

1. Kamp će se održati od 24.8.2023. do 30.8.2023. godine.
2. Održavanje kampa je u kombinovanom modelu, tj. svaki učenik zasebno bira da li će kamp pratiti uživo ili online. Za učenike koji kamp prate uživo, aktivnosti će se odvijati u institucijama Richmond Park Schools u Sarajevu (Francuske revolucije bb), dok će učenici koji kamp prate online sve aktivnosti moći pratiti putem platforme Microsoft Teams. Satnica aktivnosti i raspored predavanja su oglašeni na web (umks.pmf.unsa.ba) stranici Udruženja.
3. Učenici će biti raspoređeni u pet grupa: *Početna, Srednja, Napredna, Predolimpijska i Olimpijska*. Više informacija o grupama se nalazi na web stranici Udruženja. **Početna grupa je namijenjena za dobre takmičare iz matematike u devetom razredu, izvrsne takmičare osmog razreda, te za učenike prvog razreda srednje škole koji nemaju puno iskustva na takmičenjima.** Ukoliko učenik koji će tek krenuti u sedmi (ili niži) razred želi da učestvuje na kampu, potrebno je da se posebno javi organizatorima takmičenja. U slučaju da organizatori procijene da je riječ o vanserijskom talentu koji može pratiti gradivo koje se radi, učenik može dobiti dozvolu za učešće na kampu.
Napomena za učenike koji su pohađali Školu matematike za nadarene učenike: Početna grupa na kampu je ekvivalent Grupe B u Školi matematike (pri čemu se gradivo u Školi matematike oslanja na gradivo na kampu i obratno), tako da učenici koji planiraju pohađati grupu B treba da pohađaju Početnu grupu na kampu.
4. Prijave za kamp su otvorene do 22.8.2023. godine. Prijave se vrše putem linka koji se nalazi na web stranici Udruženja. Svi učenici (dakle, i oni koji prate uživo) treba da prate platformu Microsoft Teams, s obzirom da će na njoj dobijati osnovne informacije, rezultate testova, ali i zadatke koje trebaju probati prije samih predavanja.
5. Osim redovnih predavanja, učenicima će biti organizovani testovi (simulacije takmičenja), te predavanja istaknutih stručnjaka iz nauke i prakse. Također, učenici će tokom kampa moći koristiti sportsku salu i kampus institucija Richmond Park Schools.
6. Svi učesnici kampa će dobiti certifikate za učešće, a najuspješniji na testovima će dobiti i posebna priznanja, kao i popust za naredni kamp (1. mjesto u svakoj grupi će imati besplatan naredni kamp, dok će 2. i 3. mjesto plaćati 50% cijene kampa).
7. Predavanja će držati bivši uspješni olimpijci, osvajači mnogobrojnih medalja na međunarodnim takmičenjima i najuspješniji studenti Univerziteta u Sarajevu (osvajači Zlatnih znački), asistenti na Prirodno-matematičkom fakultetu u Sarajevu kao i studenti najprestižnijih svjetskih fakulteta: Admir Beširević, Adisa Bolić, Amar Kurić, Harun Hindija, Emin Mulaimović, Jovan Vuković, Sandro Paradžik, Amar Korić, Ervin Macić i Miloš Pavlović.
8. Za učenike koji žele, osiguran je smještaj u prostorijama internata Richmond Park Schools. **U tom slučaju, obavezni su na kamp donijeti potpisanu izjavu (od strane roditelja, ukoliko se radi o maloljetnom učeniku) o pridržavanju kućnog reda u internatu.** Više informacija o smještaju možete saznati u nastavku dokumenta.
9. Svi učenici koji će učestvovati na kampu obavezni su uplatiti:



- 80 KM na žiro račun Udruženja: 1610000156600012 kod Raiffeisen banke dd Sarajevo sa naznakom „*Za ljetni kamp 2023*“. U cijenu su uračunata predavanja (24 časa), snimci predavanja koji će ostati učenicima, organizacija i pregledanje testova (4 testa), predavanje istaknutih stručnjaka iz nauke i prakse, kao i omogućen pristup zadacima za samostalni rad (sa rješenjima).
10. Pored toga, u zavisnosti od načina učešća na kampu, učenici su obavezni uplatiti odgovarajući iznos novca na račun PU dom učenika i studenata „Globe“:
- a. Učenici koji će biti smješteni u internatu Richmond Park Schools institucija, na žiro račun internata (PU dom učenika i studenata „Globe“) uplaćuju 75 KM. U cijenu je uračunato korištenje prostorija, slobodne aktivnosti (stoni tenis, odbojka, košarka...) i spavanje. Za više informacija o smještaju možete se obratiti na e-mail hasib.gabeljic@rps.edu.ba.
 - b. Učenici koji će kamp pratiti uživo, ali neće biti smješteni u internatu, uplaćuju 40 KM na žiro račun Globe d.o.o. U cijenu je uračunato korištenje prostorija za predavanja i testove te slobodne aktivnosti (stoni tenis, odbojka, košarka...).
 - c. Učenici koji će kamp pratiti online uplaćuju 35 KM na žiro račun Globe d.o.o. U cijenu je uračunato korištenje pametne table preko koje će se izvoditi nastava na način da i učenici koji kamp pohađaju online mogu bez poteškoća pratiti nastavu.

Žiro račun Globe d.o.o. je: 1541602009935193 (Intesa Sanpaolo Banka BiH).

Napomena: Učenici koji su ostvarili popust na osnovu rezultata prethodnog kampa, plaćaju odgovarajući procenat u stavkama 9. i 10.

11. Za sve dodatne informacije i eventualna pitanja možete se obratiti na mail kampoviumks@gmail.com.

Detaljnije informacije za učenike i roditelje:

1. Učenici koji će biti smješteni u internatu mogu doći u prostorije kampusa na adresi Francuske revolucije bb 23.8. u periodu od 18-22 h, ili 24.8. do 8:30 h. Potrebno je da se jave portiru na ulazu u Internacionalni Burč univerzitet, koji će ih zatim uputiti do internata. Nakon prijave na kamp učenici će putem maila dobiti izjavu koju trebaju donijeti (potpisanu) prilikom dolaska na kamp.
2. Iskustvo sa prethodnih kampova pokazuje da se većina učenika hrani u obližnjoj pekari, kao i da ponekad naručuju hranu. U slučaju da ipak bude dovoljno zainteresovanih učenika za obroke unutar kampusa, u funkciji će biti kuhinja Richmond Park Schools, gdje učenici mogu jesti po povoljnim cijenama. Za više informacija o hrani u kuhinji možete se obratiti na mail college@rps.edu.ba.
3. Svečano otvaranje kampa je predviđeno za 24.8. u 9h u amfiteatru Richmond Park Schools. Učenici najkasnije do 8:45 h trebaju doći u kampus Internacionalnog Burč univerziteta, nakon čega će ih portir uputiti u amfiteatar. Otvaranju kampa može prisustvovati i pratnja učenika.
4. Svečano zatvaranje kampa će se održati 30.8. u istom amfiteatru u 13:30 h. Zatvaranju kampa može prisustvovati i pratnja učenika.
5. Učenici 30.8. do 9:30 trebaju napustiti svoje sobe u internatu (biće obezbijedena posebna prostorija gdje mogu ostaviti stvari), kako bi se internat mogao pripremiti za početak nastave (1.9.).